

Gualteri Danniftoni

A D

Georgium Buchananum

EPISTOLA,

ET

Buchanani
RESPONSUM.

M D C C.



EDINBURGI,
Typis Jacobi Watfoni.

For Mr Deamond of Blair,

*67-606a

Gualterus Dannistonus
 Lectori S. D.

CUM essem Georgio Buchananano scripturus, non dubitavi, quod eum talibus delectari nossem, ad ipsum mittere Psalmi Davidici a me in Latinos modos versi Exemplar: quo viso magnus ille Vates non poterit non sibi plaudere, mihiq[ue] ipsum æmulari nequicquam conanti gratias agere.

Dex-

[Faint, illegible text, likely bleed-through from the reverse side of the page.]

DExteram invictam canimus Jovemque,
 Qui triumphatis hominum & Deorum
 Præfidet regnis, animatque magnam
 Numine molem.

Quam tuæ virtus tremefecit orbem
 Juppiter dextræ ! sacra tu sereni
 Pandis, imensum veluti volumen,
 Atria Cœli.

Orbis ac uni tibi nota summa
 Orbium, & nantes per inane vastum
 Vi tua Terræ, Jovis esse clamant
 Omnia plena.

Tu domos priscæ penetras Abyssi,
 Tu rotis nubes vehis inquietis,
 Et manus ventis tua Dædaleas
 Affuit alas.

Jura tu brutis facilesque leges
 Rebus imponis, quibus antra parent
 Æoli, parent rapidæ fluenta
 Fervida flammæ.
 Illa

Illa quam nobis patriam dedisti
Nobilem, Tellus, hominum stativis,
Fert tuas laudes per aprica nostri

Littora Solis.

Tu jubes illam placita revolvi
Orbita, gyros sibi constitutos
Audeat ne quo violare quondam

Avia saltu.

Tu Salo victis dominante ripis
Merferas Terras Hominesque, & omnis
Montis illufit juga vis aquarum,

Iraque Ponti.

Voce fed magna monitæ Tonantis
In fuas Undæ recidere fedes,
Et minas Ponti domat infrementis

Reddita Tellus.

Illa disjeâis moderanter undis
Vox, falutari penitus ruina,
Montium nafci juga, valliumque

Æquora juffit.

Arduum fævis Marium procellis
Littus opponis, tumidumque arenæ
Aggerem, quem non fuperabit æftu

Unda rebelli.

Attamen

Attamen dulces latices in omnem
 Depluis vallem, tibi quos ab alveo
 Phoebus excivit Maris, atque nubes

Traxit ad altas;

Quos bibunt densæ pecorum catervæ,
 Quos feræ potant, aviumque turmæ,
 Queis fitim pellunt Onagri colentes

Invia tesqua.

Tu doces lætas volucrum cohortes
 Ramulos parvis onerare tectis,
 Et levi, propter latices, morari

Otia cantu.

Proluit ficcam pluvialis Æther
 Barbam, & arentes humeros Atlantis,
 Gratum opus glebæ sitientis agris

Agricolisque.

Ebria epotis alacrisque Tellus
 Nubibus gramen pecori dicatum,
 Divitem, humani pretium laboris,

Sufficit herbam.

Vita frumentis alitur, Falerno
 Redditur vivax, Oleo nitescit
 Frons, & ærumnas animas abesse

Indicat atras.

Syde-

Syderum invadit patriam propago
 Arborum potis animosa rivis,
 Et caput Cedrus Libani voluptas
 Nubibus infert,

Cedrus incertis Avium catervis
 Dat lares dulces, Abies Pelargum
 Accipit civem piceo salubris
 Grataque succo.

Cuncta Divini regit ordo fati,
 Montium Damis juga destinantur,
 Inter & rupes latebras Echinus
 Invenit aptas.

Tu stato Lunam reditu fatigas,
 Solis alternas radiis corusci
 Objicis Terras, retrahisque furvæ
 Noctis in umbram,

Eripis Soli, tenebrisque Terras
 Tradis ereptas, Fera tum relictis,
 Ut famis suasit rabies, cavernis
 Territat Orbem,

Ille prædonum Leo sævientum
 Rex, & ipsarum Domitor Ferarum,
 Inverecundo licet ore, supplex
 Te rogat escam,
 Sol,

Sol, ut aversæ rediere Terræ,
 Cogit occultis stabulis Leones,
 Tum levant turmæ Pecorum diurno

Corpora somno,

Tum quoque ipsorum Domitor Leonum
 Excudit somnos Homo, tum labores
 Impiger poscit, reficitque sero

Membra sopore,

Quanta solertis Monumenta Dextræ
 Eminent! Dextræ, freta quæ facesque
 Syderum, & terras moderatur omni

Sole calentes,

Quæ per immensas Pelagi paludes
 Piscium mutos populos, pecusque
 Sole vix utens agit, & profundo

Gurgite versat.

Hic volant Puppes, choreasque Cete
 Improbæ campo celebrant in udo,
 Humidum vulgus stupet, & per imas

Diffugit undas,

Quæ fovet Tellus, fluidumque Regnum
 Tethyos, turmas miserans egenas,
 Tu foves solus, recreasque dolci

Munere vitæ.

Divi-

Dividis seclis alimenta, Dextram
 Laudat altricem Tribus omnis, & Te
 Exigit vitæ variam statutæ

Auspice sortem.

Tu relegatas animas in Orcum
 Trudis, & vitæ rubicunda rumpis
 Stamina, occlusis adytis viisque

Sanguinis almi.

Ast ubi fibris residem ciere
 In suos flexus placuit cruorem,
 Tum ferax natis subito renidet

Terra Colonis.

Omnis Hunc Tellus colet, omnis Ætas
 Dicet æterno celebrem triumpho,
 Ipse lustrabit placido beatas

Lumine Terras.

Illius nutu trepidare magnus
 Orbis, excelsi trepidare Montes,
 Et metum mista tremulo favilla

Prodere fumo.

Juppiter carmen mihi semper, illum
 Nostra clarabit Lyra, dum nec anni
 Denegant vires, neque sanguis arti

Tardior obstat.

Juppi-

((I I))

Juppiter solus mihi Rex, & auctor,

Illi ego inducam choreas ovantes

Victor, Eois numeris peritus

Pangere Carmen.

Ipse des, Terra Pietas ut omni

Regnet, & Virtus rediviva Cœlo

Æquet Humanum Genus, illud a Te

Juppiter ortum.

A D

சென்னை, 18 மார்ச்சு (வி.வி.சி) -

2310 10 2105 22

1942

6

Ad Georgium Buchananum.

REGIA deferitur Ditis, Proserpina Matrem
 Quærit, & ad superos prima capeffit iter.
 Æacus & Minos vacuo spatiantur in Orco:

Nec, quos castiget, Rex Rhadamanthus habet,
 Et tu lentus adhuc dubitas, Buchanane, redire?

Nec Patriam curas visere rursus Humum?

Quæ nunc assidue tua Regni Jura reposcit,

Et dolet oblitam se nimis esse tui,

Oblitam nimis esse fui, quam sævior hoste

Impius exagitat Relligionis amor.

Ergo redi; non te redeuntem deserat ille

Qui cecinit Scotis, Arma virumque, modis,

Non cui dicta volat divini Gloria Vallæ,

Non cui Brussiades Nobile Carmen erat.

Primus ad Æthereas remeabit Gramius auras

Adsuetus Vallum scandere, Roma, tuum.

Duglasiûmque sequetur ovans Exercitus omnis.

Hajaque Nobilitas, Indomitusque Kethus.

Non tamen his cedent, fortissima pectora, Keri,

Non Homii virtus nescia stare loco,

Non Lestæa virum Dîs formidata propago,

Quam colit & semper Regia Fisa colet.

Non Moravûm Proceres, Vallæque Dromondius ul-

Non animis ingens Setoniana manus. (tor

Non

Non aberunt Clarii genus insuperabile, non qui
 In Pelagus Vemia celsus ab arce tonât.
 Non alii Heroes, quos Scoticus extulit Orbis,
 Queisque dedit paucos Anglia Terra pares.
 Hi, Duce Te, Cœli rursus convexa subibunt
 Grampia ; Quos plausus tum Buchanane feres !
 Unus eris, quem nos semper venerabimur, Unus
 Æacus & Minos & Rhadamanthus eris.
 Ergo redi ; Musamque refer, quâ sæva domabas
 Monstra, Sacerdotum Pontificumque genus.
 Nunquam major erat Musam tibi Causa ciendi,
 Non aliud tali tempus egebat ope.
 Quippe tui Cives, mutato nomine tuti
 Rursus Hamiltoni Præsulis ora vident.
 Ille redit, secumque trahit quot Erinnyas Orcus,
 Quotque Sacerdotes Pontificesque fovet.
 Ficta Fides comes est, Perjuria mille sequuntur,
 Fictaque Paupertas, Impietasque furens.
 Hic tamen huc rediit, Buchanane, scelestior illo
 Cui tua Tartareas Musa dicavit aquas ;
 Credibile hunc illum est Nomen mutasse genusque,
 Et Circen nostris antetulisse Diis.
 Notus uterque tibi, Quis enim te fallere speret ?
 Quo nemo speret plenior esse Deo.
 Incute Vim calamis, & diâ Carminis Arte
 Ista sub Inîernas Monstra retrude Domos.

Georgius Buchananus Gualtero Dannistono

S A P E R E.

DANNISTONE meæ quid turbas otia vitæ,
Quam juvat Elyfias ducere propter aquas?
Nonne fuit satius tentare poemata nostri

Davidis, & Lamias sollicitare leves ;

Quam Cereri natam rursus promittere? non est
Materies isthæc viribus æqua tuis.

Illa quidem priscis licuit cantare poetis,
Cum caruit tutâ fabula nulla fide.

Sed manes meliora vident, quos detinet Orphei
Barbiton, & terris castior Orcus habet.

Hic secura quies, nulla hinc exire cupido,
Hic placet, hic solum fors sua cuique placet.

At tua jampridem se lævi moribus Orci
Induit, & vitiis Tartara vincit humus.

Nec Rhadamanthus adest, populusque impune sce.
Criminibus certat turpior esse novis. (lestus

Ergo omnis Terras Orco petiere relicto

Illa Sacerdotum perniciofa cohors,

Et quicunque dabant Rhadamantho vindice pœnas,
Quam bene Virgilio cognita turba meo!

Et tu vane pios revoces ad secula manes

Impia, & Elyfias depopulere domos?

Tu potius terras perituraque regna relinque,
Pitcarnumque viæ, si volet, adde tuæ.